

衛輝府志

15079

134

313-15



人物

孝義

漢

索盧放字君陽東郡城人也初署郡門下掾更始時使者督行郡國太守有事當刑放前言曰今天下所以苦毒主氏歸心皇漢者實以聖政寬仁故也而傳事所過未聞恩澤太守受誅誠不敢言但恐天下惶懼各生疑變願以身代太守之命遂就戮使者義而赦之由是知名後為洛陽令諫議大夫數納忠言以疾去建武末復徵不起光武使

衛輝府志

卷三十三 孝義

人與之見於南宮雲臺賜穀二千石

漢書獨行傳

趙咨字文楚東郡燕人也

燕故城今滑州胙城縣也古自燕之國也

父暢為博

士少孤有孝行盜嘗夜往劫之咨恐母驚懼乃先至門迎盜因請為設食謂曰老母八十疾病須養居貧朝夕無儲乞少置衣糧妻子物餘一無所請盜皆慚謝而退靈帝時

下詔褒美之

漢書列傳

李銓少聰慧有志行與兄異母母不愛其兄兄衣食與銓異銓年十五知已衣食勝兄輒不服食母因感悟愛之如一及長孝友兼全宗族鄉黨咸稱誦之

封邱縣志

後趙





桑虞字子深魏郡黎陽人也性仁孝年十四喪父毀瘠過禮日以米百粒用糝藜糞其無論之曰汝毀瘠如此必至滅性滅性不孝宜自抑割虞曰藜糞雜米足以勝哀丁內艱哀毀骨立廬墓五年世以此稱之

洛陽志

南北朝

蔡廓字子庶司徒護之曾孫也博涉羣書為宋武帝太尉參軍中書黃門郎以方梗為武帝所知遷太尉從事中郎未拜遭母死性至孝三年不御沐殆不勝喪拜御史中丞多所糾奏百僚震肅時朝廷以典皆取定於中書令傅亮亮每事問廓然後行亮意若有不同廓不為屈拜吏部

衛輝府志

卷三十三 孝義

二百九二

尚書

南史列傳

互見名片

江泌字士清父亮之員外郎泌家貧晝日斫爨為業夜讀書隨月光光斜則握卷升屋睡極墮地則更登母亡後以生缺供養遇饑不忍食食菜不食心以其有生意母墓為野火所燒哭之三日淚盡繼以血後仕齊為中郎參將世謂之孝泌云

南史孝義傳

范岫字懋賓早孤事母以孝聞仕齊為太子家令沈約輩服其該博入梁累遷禮部尚書金紫光祿大夫岫恭敬嚴恪進止以禮自親喪後蔬食布衣以終身所著有禮論雜義字訓行於世二子襄偉

南史列傳



蔡楷字景節方雅退默仕齊位給事黃門侍郎母卒廬於墓側後除太子中庶子太尉長史皆不就入梁為吳興太守齋前白種白菟紫加以為常餌詔褒其清累遷吏部尚書卒於中書令謚曰康女為昭明太子妃子彥深宣城內史彥高給事黃門侍郎彥高子凝南史列傳互見名臣

江祚字含潔禱之子性沉靜不樂仕進侍父疾衣不解帶及父卒廬於墓側終日號痛不絕聲月餘亦卒南史孝行傳

江德操字德藻好學性至孝與異產兄弟居恩惠甚篤仕梁為尚書比部郎以父喪去職三年後容貌毀瘠如居喪

時入陳為祕書監兼尚書左丞後補新渝令政尚恩惠有

衛輝府志 卷三十三 孝義 三 四百三十

異績卒於官贈散騎常侍子椿善屬文位尚書右丞南史列傳

江從簡德藻弟少有文名年十七作採荷調以刺何敬容

為時稱賞位司徒從事中郎侯景亂為任約所害子兼叩

頭流血乞代父命以身蔽刃遂俱見殺天下痛之南史列傳

蔡徵字希詳聰敏年六歲詣梁吏部尚書河南褚翔嗟其

穎悟七歲居母喪如成人禮繼母劉氏性妬視之不以道

徵供事益謹仕陳累遷太子中書舍人兼東宮領直襲封

新豐侯後主器其才幹任寄日重遷吏部尚書入隋除太

常丞歷尚書口部儀曹郎轉給事郎卒子翼仕隋為東宮

學士南史列傳



華秋汝郡人幼喪父事母以孝聞家貧傭賃養母母病瘵  
容貌毀瘵髮髮頓改母卒絕櫛沐髮盡脫落廬於墓側負  
土成墳人欲助之者輒拜而止之大業初調狐皮有司大  
獵見有兔奔入秋廬馴擾左右久而不去郡縣以狀聞詔  
遣使勞問旌其門後羣盜起往來廬之左右咸相戒曰勿  
犯孝子鄉里賴秋全者甚衆

隋書孝義傳

徐孝肅汝郡人早孤不識父及長問父形貌於母因求畫  
工圖其形構廟而定省焉朔望則享之事母數十年家人  
未嘗見有忿恚之色母終茹蔬飲水盛冬單衣毀瘠骨立

衛輝府志

卷三十三

孝義

四

三百八十四

廬於墓側四十餘年弟脩德卒其子處默亦廬於墓稱世

孝焉

隋書孝義列傳

唐

張珪衛州人七世同居詔賜旌表

舊府志

甄逢濟之子幼孤及長耕宜城野自立讀書不謁州縣歲  
饑節用以給親里大禳則賑其餘于鄉黨貧乏者逢嘗以  
父名不得載國史欲詣京師自言元和中袁滋表濟節行  
與權舉曰科宜載國史有詔贈秘書少監而逢與元稹善  
稹亦嘗移書于史館修撰韓愈愈答曰逢能行身幸于方  
州大臣以標目其先人事載之天下耳目徹之天子追爵



其父慈與其父俱常得書矣由是父子俱顯名唐書甄濟傳

楊嵩珪許由李頤道皆以孝稱事實失載僅誌其名詔旌

其門仍命州縣存問復其賦稅封邱縣志

宋

侯義家貧傭田以事母母卒負土築墳夜則哭於墓側踰

年墓間木生連理野鶴馴而不去嘗遇盜劫其衣既而知

為義物悉還之清縣志

賈寧性仁恕美鬚髯賑饑救患者稚皆愛慕之呼為髯佛

云滑縣志

金

衛輝府志 卷三十三 孝義 五 三百三十三

陳顏汲縣人父光為壽陽尉未赴值金兵取汴光病圍城

中顏闕關渡河往省其父因扶疾北歸光家奴誣告光黨

賊殺人光繫獄不勝拷訊因自誣服顏請郡請代父死郡

守哀之不敢決適帥臣至郡守以其狀白帥曰此真孝子

也遂併釋之太宗天會七年詔旌表金史孝義傳

元

張聚新鄉人事母至孝天歷間母卒廬於墓側又以和忍

傳家七世同居有司以聞詔旌表舊府志

劉洪汲縣人以篤孝聞詔旌其門舊府志

徐昌祖汲縣人以廬墓聞詔旌其門舊府志



耿昌獲嘉人家貧竭力養親父歿廬墓三年有司以聞詔

旌表 舊府志

李全獲嘉人王節婦之子年十歲喪父家貧躬耕以養母者四十年一日母疾藥不可療全籲天祈以身代割股作

羹以啗母母尋愈後母卒全廬墓三年總管奏聞旌表 舊府志

秦十一輝州人早孤養母劉氏元末兵至母目失明十一

負母携妻子避兵於山時子方三歲母得食嘗哺之十一謀於妻曰今兵荒缺食母餐不飽莫若棄兒幸得母全兒

不足惜妻從之遂棄兒負母避處險阻採食為養事定乃

衛輝府志

卷三十三

孝義

六

三百五七

歸舊府志

王慶新鄉人幼孤事母克孝母疾慶禱於神願以身代母

愈朝夕奉甘旨二十餘年不怠有司以聞詔蠲其家 舊府志

李珪滑縣人嘗葬族人而育其子叅議脫脫表為通事及

脫脫竄死海南珪為之殯殮廉訪義之表其門 滑縣志

明

周敬軻胙城人洪武中由人材任南京衛經歷累從征有

功以祖母尚在乞終養詔許之仍給田二頃以贍其家 舊府志

志

岳維祺輝縣人洪武二十四年父病維祺日侍湯藥無



林天順損已年以益父壽後父卒廬墓三年鄉人稱孝舊府志

張琛汲縣人母歿廬墓二年有兔馴遶墓側人皆以為孝

感天順三年有司上聞旌表舊府志

徐寧汲縣人郡庠生母歿廬墓三年成化十年有司上聞

旌表舊府志

閻禎胙城人母歿結廬墓側有狐兔馴遶左右人稱為孝

感舊府志

王明同胙城人親歿廬墓三年鄉人以孝稱舊府志

王興新鄉人父歿母秦氏年十九遺腹生興秦氏守節撫

衛輝府志

卷三十三

孝義

七

三百三十九

興成立年八十二卒興葬之盡禮廬墓三年有青蛇盤旋

墓側又有羣鵲來集人皆以為孝感事上聞旌表舊府志

常森輝縣人事親至孝成化十八年母病森割股奉母病

即愈宏治三年父病又割股奉父病亦愈其孝感屢如此

舊府志

張士儒獲嘉縣人邑庠生父歿廬墓三年母歿復如之事

親以孝稱舊府志

張通輝縣人母病禱於神願以身代遂割股奉母病果愈

鄉人稱其孝舊府志

張永安淇縣人邑庠生事親以孝聞母歿廬墓三年有司



聞旌表 舊府志

魏達任知事淇縣人性篤孝父敬任通判卒達廬墓三年有狐兔馴遠左右母張氏後卒達又廬墓四年有烏鵲赤蛇之異鄉人以為孝感宏治十六年應詔以聞壽至九十九歲焉 舊府志

張登元貢生新鄉人母歿廬墓三年嘉靖四十年有司上聞旌表後登元卒其子光亦廬墓三年人稱世孝 舊府志

崔淮輝縣人事親至孝親亡孀母無嗣事如親母終以禮殯兄病割股啖之病果愈鄉人以孝友稱 舊府志

吳奇輝縣人母疾奇祝天損年益母割其臂肉以為饌其衛輝府志 卷三十三 孝義 八 三百六九

母夢一老人謂曰汝啖匾食十枚可得壽十年覺而異之後如其言已而父病又割肉以進病亦愈有司旌表 舊府志

王慶衛人母嘗有疾慶割股啖之母尋愈嘉靖中有司旌其門 舊府志

蘇澤衛人天性仁厚嗜義樂施嘗捐資修橋以利行者見有鬻禽鳥生活者買而縱之役子孫榮顯 舊府志

張麒麟人天性孝友母有疾嘗禱於神願減年以益母壽母疾尋愈人有親喪不能以葬者以財周之有稱貸不能償

者焚其券子守乾舉進士 舊府志



張貴胙城人正統五年放餼出米麥一千餘石以助賑事

聞賜特勅發獎舊府志

汪仲成獲嘉人正統五年歲饑輸麥一千餘石助賑有司

以聞賜特勅嘉獎舊府志

何亮胙城人成化三年歲饑亮出糧米若干石以備賑有

司以聞賜特勅旌獎舊府志

張景胙城人正德己巳年歲饑捐米煮粥全括甚眾又置

義學義井義塚鄉人德之曾孫友亦輸粟賑饑有司旌其

門舊府志

賈中淇縣人嘗捐貲修儒學櫺星門城隍廟及橋道人有

衛輝府志 卷三十三 季義

九

三百五十四

婚喪不能舉者以財助之歲歉發粟賑饑巡撫義其事者

名旌善亭與鄉飲焉舊府志

李深淇縣人家置恤孤房一區凡貧無所貸者煮粥以活

之又置義塚六畝凡死無所歸者給棺以葬之事聞旌表

舊府志

馮文振庠生淇縣人質直重義人有以膏苗地若干畝質

錢者及熟計所獲倍之即還其券年飢出粟賑貧舊府志

趙希尹胙城人曾遊邑庠恂雅好義歲荒宗族里鄰多所

全活六子數孫俱為博士弟子員廩餼膠庠有司旌獎請

賜飲授壽官舊府志



劉志海千戶所人年卅八十為善不倦積二子夙貴繼粟  
濟貧施棺購喪親戚鄉黨咸受其惠有司重德匾門旌獎  
奉例特恩賜壽官

舊府志

姬登龍汝縣人邑庠生性至孝父有疾曉夜籲天所以身  
代父終哀慟茹素苦卧極旁者七年極畔生瑞芝事繼母  
孝母病萎宋氏為之割股療疾刑予之化如此母終泣血  
極力營葬啟殯有雙角金蛇蟠父柩上術士以為孝感靈

吳舊府志

梁景方新鄉人垂髮即以孝謹聞闕家有法邑侯每就諮  
詢宏深問部屬官爵及卒有花蛇束白兔馴坐側羣鴉來

術輝府志

卷三十三

孝義

十

三百九

其擇不能去人謂德感

舊府志

尚忠新鄉人性敦朴孝友遺產盡讓二弟有疫死不能葬  
者荷紳禮所見瘞埋之萬歷十年詔給粟帛表其門

舊府志

梁移粟母疾篤額天割股愈之敬事繼母凡長雖撻罵無  
怨言萬歷間有司以聞給粟帛表其門

舊府志

張登新鄉人潛德好施里閭有事咸取平焉和宗族周貧  
乏修明倫堂創建齋房以便課士儒林重之

舊府志

張士吉新鄉人資性敦朴與弟士利友愛同居四世有公  
藝之風鄉里以德稱之

舊府志

梁大綸新鄉人慕義樂施里有圯廟圯橋輒施金鼎新



豈敢取非其有而易先人之概廬哉

洪縣志

韋五弼洪縣增廣生平生清正廉潔

歷四十載遠近負笈者甚眾間有貧寒者不惟不責禮儀

且備資食人有以橫逆相加者置不校其人品度量卓越

一時云

洪縣志

子簡濬縣人邑諸生親喪廬墓三年

濬縣志

周祚濬縣人至性純孝親疎無間言太史焦竑為立傳

濬縣志

志

王在復濬縣人殉父死難奉旨建祠造坊

濬縣志

鄒越字世昌濬縣人性純良仁愛歲荒出粟賑貧乏日具

衛輝府志 卷三十三 孝義

三

三百九十九

希鋪掩蔽幣稱貸者或爽約輒焚券偷兒盜麥遺其衣潛

與之戒以法其仁厚類如此

濬縣志

孟繼濬縣人隱君子也聘吳氏未娶而跛吳父請離婚繼

笑曰女跛我則棄之吾跛女寧食盟耶竟娶之生子含電

含寬能世其德負郭田不滿百畝父子耕桑伯父絕世所

遺腴產悉推與從弟塋傍地鄰人歲月嗜之不較子橋

進士筮仕時惟以清忠為誨諄年八十餘卒

濬縣志

蕭梅濬縣人自始祖蕭少護以下俱以長子理家內外

開言萬歷十年梅父佃業以六世同居詔給冠帶至德

世矣縣大夫延為鄉賓奉旨建坊

濬縣志



劉榮潞縣絳鞞里人天性孝友事親誠備昆弟舉諸喜捨  
卹鄰饑寒婚喪傾囊助之嘗路遇虎衆驚潰榮曰吾生平  
無負心虎何爲者熟視叱之虎不敢動帖耳俛首而去一

邑大驚潞縣志

陳礪封邱縣人貢士陳裔之子母董氏蚤亡嫡母翟氏乳  
養成立父歿事翟氏孝謹由盡子道母疾礪侍奉湯藥日  
夕不離側夜則焚香額天願以身代不數日母疾果愈後  
母忽以風疾卒礪哀痛悲號不已數日不食殯殮從禮既  
葬廬於墓側三年築墓臺高丈餘有白兔馴擾不驚烏鵲  
結巢於其樹人以為孝感之應有司具奏詔旌其門封邱縣志

衛輝府志

卷三十三

孝義

古

四百一五

李堪封邱縣人天性至孝母賈氏有疾堪侍湯藥必親嘗  
然後奉母衣不解帶水漿不入口者數日憂形於色母疾  
革輒嘗糞甘苦以辨疾勢及親卒廬於墓側三年寢苫枕  
塊衰衣淡食洪武二十七年有司奏其事詔旌其門封邱縣志

宋安封邱縣人貢士與兄登春克盡孝友兄疾安誠心藥  
禱兄疾果愈母卒安廬墓三年家族百口共爨庭無間言  
封邱縣志

萬清封邱縣人母徐氏九十一以疾終清痛哭絕而復甦

既葬遂廬於墓側築墓臺高丈餘時歲荒歉兼厄疫癘親  
識勸歸家避患清謝衆不從竟終其志後有司請旌卹飲



旌表其門 封邱縣志

徐廷佐封邱縣人天性耿介事親孝父終痛哭絕而復甦居喪廬墓三年築墓臺高丈餘時人共稱其孝有司請與

鄉飲旌表其門 封邱縣志

劉昂封邱縣人字志高治家有法上繼曾祖十三世下歷孫繼仁六世皆同居共爨男女共三百餘口財帛不私衣

食均平有司屢加獎勵正德八年具奏以聞 封邱縣志

李順考城縣人宏治己酉科舉人性孝謹剛方初任海鹽知縣改知于潛縣歷署仁和餘杭縣事見忤權奸再起知

山西靈邱縣所在廉慎公勤甚有聲譽母喪哀毀盡禮廬

衛輝府志 卷三十三 孝義 五 三百九五

墓三年手書孝經百餘卷以教鄉里時有瑞麥一莖五穗瓜一帶五實之異人以爲孝感有司上其事於朝旌表工

部郎中 考城縣志

李鑑考城縣人絨之弟任直隸冀州訓導陞山西蒲縣教諭捐俸修學施財濟貧後韓生弼王生三錫皆請考拜泣

墓前其感士類如此 考城縣志

鄭可久考城縣人聞絃子任山東單縣訓導陞范縣教諭有盜官庫銀四百金潛埋學宮察明悉還官庫兩院獎其

廉潔匾其署曰義重千金 考城縣志

樊問仁考城縣人任許州訓導捐貲埋骨兩院旌表 考城縣志



張浩然考城縣人撫孤孀葬枯骨有馬商遺袋約三百兩拾還之鄧氏幼女有夫而售于人浩然以五十金贖歸完其婚遠近義之

考城縣志

王佐才考城縣人字翼宸任郊縣訓導迎養孀姑助婚族弟蒙師婁文川無歸終身養之舉鄉飲十二次

考城縣志

楊欽考城縣人字孟敬繩武子國相孫孝友溫恭濟堂姪啟愚之難撫族侄庭蘭兄弟之孤人稱盛德焉

考城縣志

周養正考城縣人曾施學田立義塚

考城縣人

吳永煌考城縣人親喪廬墓三年

考城縣人

竇汝信考城縣生員家貧刻苦讀書父母踰七十俱亡汝

衛輝府志

卷三十三

孝義

六

四百〇五

信廬於墓側朝夕泣拜躬自負土成墳三年飲水茹蔬有

司申其事上司屢加旌獎匾其門曰孝行

考城縣志

劉承基考城縣人遵之子親歿廬墓卒於墓側提學楊福

曰孝行

考城縣志

張九圍考城縣人父早卒事母能孝母卒廬墓三年

考城縣志

侯廷佑考城縣人投火救母鄉人咸稱有司聞之給以

米布帛扁其門曰孝行

考城縣志

王思問考城縣人因母徐氏病偕同志赴南海進鐘以祈

母壽跋涉經年途遇異人授奇方施藥全活甚衆

考城縣志

孫尚先考城縣人嘉靖二十八年賊圍韓學正甚急其父



孫學仕為鄉鄰有難率眾往救為賊所殺尚先奮不顧身  
獨自持鎗刺賊以報父仇

聞者無不痛之上司俱加

恤獎

考城縣志

劉敦本儒學門斗考城縣人母病割股食之母遂愈

考城縣志

吳汝龍考城縣人母病服藥不痊割股供之母遂愈縣令

旌獎

考城縣志

侯社考城縣人崇禎四年賊劫伊伯生員侯繼藩被縛將

殺社奮身往救藩得脫社為賊所殺縣令鄭獎曰殞身救

伯

考城縣志

史有才考城舊縣人母病百方調治不愈刺骨告天願以

衛輝府志

卷三十三

孝義

七

三百七六

身代母痊人曰孝感

考城縣志

黃甲選考城縣人與兄甲第世不分居曲盡弟道甲第無

子及病選齋戒嘗藥祈以身代第遺一女選同妻孫氏教

養無異已出邑人賢之縣令陳獎曰敬兄善人

考城縣志

高其行考城縣人父早亡事母至孝訓幼弟其徵成名食

饌應分產業盡行推讓

考城縣志

楊國臣考城縣人嘉靖改元流賊王鏜攻城臣糾合邑人

立條約備器械登陴以待既攻急率眾悉力拒守盡出家藏

以餉守者賊卒平

考城縣志

高茂考城縣人嘉靖初年流賊王鏜作亂攻考茂護守南



門晝夜巡視賊望而畏之遂不能下

考城縣志

朱環考城縣人修飾文廟雅重斯文子質施谷百石濟饑

孫煌施銀三十兩修廡憲副楊刻石僉事史賜扁一曰世

功孔廟一曰尚義之門

考城縣志

王好善考城縣人萬歷戊子饑輸粟五十石縣令楊扁曰

尚義甲午再饑輸粟百石縣令魏扁曰按臺旌義

考城縣志

趙文祥考城縣人輸學田一頃坐洛舊縣地方義學一處

在史村舖集隅南路西併供田三十畝義塚三畝俱在史

村舖集南學道董旌曰風尚可嘉

考城縣志

馮九韶考城縣人慷慨好義外甥李心會幼貧廢讀韶收

衛輝府志

卷三十三

孝義

六

三百七九

養教訓入庠為之畢婚仍給地五十畝為燈火資又給甥

李攀桂地一頃旌其母守節之苦一時鄉評咸推重之

考城

縣志

王廷俊考城縣人與典史雷勣為友勣明末赴京改選托

妻俊家值許賊據城俊聞家已逃城外因勣妻未出携子

復入衛之觸賊怒俱被殺

考城縣志

蔡廉考城縣人施義田二十畝學道吳旌曰昌義表俗

考城

縣志

秦務本考城縣人遇寇臨城下輸銀五十兩錢四十千犒

兵學道旌曰優行

考城縣志



陳維嵩考城縣人施學田一頃一十四畝坐落史村舖地

方考城縣志

張國光考城縣人幼事繼母孝法閔子長列青衿誨傲西

河不幸大折諸弟子建木坊於墓曰顏後一人考城縣志

萬守澤考城縣人有友李桂萱被流寇縛城下刃頸索驪

澤登陴疾呼勿殺覓驪易萱而還考城縣志

李進祿考城縣人李泮僕人也泮閭家俱故遺孫李永禎

未過歲產被惡族蕩費祿棄子撫頑卒能成立復業殆嬰

梓之亞也邑侯崔旌曰忠義超羣考城縣志

高選字德裕號仁山延津縣人嘉靖甲子選士卓識雄才

衛輝府志 卷三十三 孝義 九

仁心質行憐恤孤寡養贍終身助學賻喪携錢賑貧倡義

救荒諸善行皆膾炙人口矢志青雲垂老不倦創建蓮塘

書院倡引後學為文社極力獎勸延人至今德之舉祀鄉

賢延津縣志

郭興權字允中獲嘉縣人廩生長厚之德感及匪人里有

夜行遇賊而借其名以免者性樂施予有求輒應周佃戶

馬調急不受其償織席人失錢欲赴井即出米贈之不問

其姓名子孫化之敦行不怠至今獲之稱世德者必首郭

氏云獲嘉縣志

張志輝縣人成化間助賑蒙朝廷賜以誥勅獎為義民鄉



姬良延津縣人弟寶幼時誤遭人命當抵罪貽愛其母良曰吾弟年幼未娶若抵罪即無後矣吾年已長且有子願爭死以代弟邑人高之延津縣志

楊璉字國用延津縣人宏治間有客宿其店晨行忘金璉起命家人灑掃于店廡下得白金一袋約三百餘兩收之意客必來客行十五里方覺果倉皇回泣言于璉即全袋以還客以二十金謝璉竟不受延津縣志

周宦延津縣人嘉靖丙午邑境大蝗有司遣人捕之宦曰有能捕蝗一石者與錢百文人爭捕之不旬日蝗悉平遂衛輝府志 **卷三十三 孝義** 三

大有秋巡撫移文嘉獎延津縣志

常昆延津縣人家貧好學篤志勵行田產讓弟以選貢授定襄訓導陞鄒平教諭善誘後學每捐俸以賑貧士在定襄常買一女僕及歸還其父不取值休致者年宿德里人皆尊禮之延津縣志

周賓延津縣人號文泉樂義喜施嘉靖間大饑出粟百石以活貧民連年又饑時鄉人負貸幾千餘金賓取券悉焚之創建文昌祠于學宮以振士風宦遊歸田所積俸悉諸弟寸帛一錢不入私室四世同居百口共爨人至



張玠延津縣人號沙村志向高遠博極羣書庚戌當貢期某厄于科舉例不入選已次貢憐其親老家貧維持讓之督學翁公嘉賞命分貢金爲謝張辭不受後任荏平訓導長安教諭多恤寒士不計束修年五十致仕行孚月旦禮致大賓鄉人重之

延津縣志

史公延津縣人貿易澤州遇蔣生作窮途之哭史語其故生以資被盜劫白之史哀其窮分金厚贈後十餘年蔣任河南僉事過延覓史登門拜謝饋資甚厚一施一報厚德胥可以風

延津縣志

周官申邦基趙錢高當時皆延津縣庠生嘉靖十七年大衛輝府志

卷三十三

孝義

五

四百四七

饑名出粟二百石賑之

延津縣志

申如克延津縣人崇禎十一年歲歉捐粟百石濟貧

延津縣志

姚輻號柳溪延津縣人性慈孝因母病遂精岐黃之術傾

資市藥以應病者求方問劑履常滿戶全活甚衆不責其

報遠邇感德後子時鄰仕舒城尹子時察仕鄆城尹孫曾

楚楚或登仕籍或游黌序爲廩延望族

延津縣志

李崇文延津縣人贊補鴻臚寺序班爲人慷慨慕義好善

樂施曾捐銀一千兩修學至今稱之

延津縣志

原宅號肅齋延津縣人性至孝居父喪哀毀柴瘠三年廬

於墓側人稱其孝

延津縣志



蘇希曾延津縣人性至孝家貧勤學為庠弟子員嘉靖  
六年父終哀毀幾絕既葬廬於墓側負土築墳朝夕奠事

延津縣志

周傲延津縣人典膳周臣之子年十六時遇父疾為割左  
股付醫和藥以啖父疾隨愈邑庠呈於按院給匾獎揚

延津縣志

徐文第延津縣人父國泰疾篤醫藥罔效潛入暗室嚮左  
臂一片進之親隨愈縣令匾獎

延津縣志

任民和延津縣人父有疾焚香籲天求以身代割股療之

親疾漸愈縣令匾之

延津縣志

衛輝府志

卷三十三

孝義

三

三百八九

劉改卿延津縣人家貧父疾不能迎醫日夜悲泣自割臂  
肉一片暗以奉親疾愈縣令匾獎

延津縣志

張傑延津縣人父母早逝鞠于祖母李氏及長善事祖母

每疾親嘗湯藥焚香籲天求以身代人稱其孝

延津縣志

梁鐸新鄉縣人性醇朴敦孝友居鄉貞素自持晚年砥行

尤謹召鄉飲不赴人高其行

新鄉縣志

尚嘉慶新鄉縣人家貧有守鄉閭以孝聞慷慨好施耻言  
人過立義塾義倉周急濟困為善若嗜慾然萬歷間詔給

聚帛加冠帶表其門祀孝弟祠

新鄉縣志

王仲金新鄉縣人父死而貧營計以養母兼撫諸弟



十餘卒謂仲金曰吾今長往矣願爾子事爾亦如爾事我耳萬歷乙卯歲饑蠲粟賑施恤貧焚券邑令旌之

新鄉縣志

梁祚明字嵩嶽以祖寧夏巡撫廕入監性厚重寡營事親委曲順志母疾侍榻前三月餘衣不解帶籲天請身代之父卒水漿不入口者數日獨居三年憂思如一日壬申寇警晝夜守城並捐錢及粟已卯邑創甌城捐輸助工勤加

督勵事聞有旨旌表

新鄉縣志

任文朗新鄉縣人字光璧道重子孝友篤實崇禎丙子舉人甲申流寇據關中勒徵縉紳爲令迫之文朗動以至情得留養父遭疾齋戒祈禱願以身代居喪悉遵古禮與弟

衛輝府志

卷三十三

孝義

三

四百十九

同居五十載大被怡怡尺帛一絲無私蓄年五十八而卒所著有喪禮撮要藏於家

新鄉縣志

張瑞新鄉縣人邑庠生年少篤學有識度時邑有虜警繕甌城屬其父盡善董厥事瑞請以身代并不欲其兄經營告成歸功于父不幸早亡聞者咸爲流涕米令壽圖旌之

新鄉縣志

梁旭徵新鄉縣人都憲問孟之子蚤遊黌序少時卽以濟物爲念丁酉歲饑捐金助賑屢困場屋乃就仕中書舍人頽餉濟寧陞大理寺左寺副丁巳蝗災疏請輸賑五百石已承軍需匱乏復輸粟千石俱得俞旨辛酉督餉代州



里遂不赴任捐貲重建鄉賢祠三楹所著有鳳池雅集廷

尉漫草等書板藏於家新鄉縣志

楊士奇新鄉縣人性純篤善養親志年八十喜施不倦助

修學宮及尊經閣捐貲數百金有司給冠帶舉鄉飲新鄉縣志

宋准字世平號西湖新鄉縣塊村營軍人世豐產能週施

而不有其惠嘉靖間歲饑邑北沮洳之地畝止取租值錢

數文衛所軍士亡匿者過半准目擊時艱以地濱衛河可

種稻因約眾請開石閘身繫囹圄破家業至半五載始得

請允瘠壤盡變膏腴視昔之所入蓋不啻十百然人德之

為立碑焉新鄉縣志

衛輝府志 卷三十三 孝義

張聖化新鄉縣人敏練有幹材邑建甃城聖化勤于督工

調度有法勞績頗著又嘗守城防河募建十方院邑令旌

之新鄉縣志

任國喜新鄉縣人慷慨仗義好施讓業同胞捐囊以賑困

乏德望推重於族黨焉新鄉縣志

梁大朝新鄉縣人字班蒞少孤依依伯成立事之如父左右

不離見人有善行輒獎與之置義田以贍宗族之貧乏者

子問孟成進士歷任寧夏巡撫大朝贈都察院右僉都御

史祀鄉賢新鄉縣志

郭千之新鄉縣人字自強性仁厚始為諸生有聲以例入



成均事親至孝母病卧榻垂四十年未嘗去側飲食必躬  
進便溺起抱及母歿哀毀骨立奉木主每食必祭且暮焚  
香孺慕終身不少替邑人累負千金邑令索券為責償干  
之悉焚之任武剛吏目遷名山主簿趙府典寶廉介自持  
卒祀鄉賢新鄉縣志

郭澆新鄉縣人字季昭號孟諸涓之弟萬歷庚戌進士為  
人深靜有識力壬戌秋東賊狂奔河朔震驚澆曰此逃敵  
耳何恐為已而果然壬申流寇逼境捐資募丁壯造火器  
守城寇不敢犯每春出粟豆分給鄉鄰不責其償居家則  
儉朴訓子姪布素以就學居官不染一塵惟知恤百姓生

衛輝府志 卷三十三 孝 五 四百四十四

命朝廷封疆而已初任行人陞南戶部郎中新鄉縣志

周一棟字柱明一字雲木新鄉縣人崇禎辛未進士長行  
人陞吏部稽勲司主事驗封司員外郎清謹練達給假歸  
里捐金以襄城守有旨褒美獲嘉賀忠節公仲軾子被誣  
陷獄一棟慨然曰負綱可令斬乎急救解之賀踵謝辭不  
受卒祀鄉賢新鄉縣志

蘇時雨汲縣人字化甫侍御朝宗長子從父宦遊定省暇  
輒留心經濟博學工文中嘉靖甲子亞元平生敦友愛事  
親以孝聞處鄉黨極醇謹共稱為善髦長者汲縣志

張瀛汲縣人號文臺萬歷間以明經三任教職性精明仁



厚門人王國寧為棗陽縣令有疑人碎錢百二十八人特  
瀛過其罪代闕念案摘可矜疑者二十餘人指示國寧  
俾請于撫按竟得允從寬宥

棗陽志

劉成德汲縣人母病思肉值春早禁屠徧買不得遂割股  
為饌母食之而愈

汲縣志

馮效孝字必忠號蒸軒獲嘉縣人官司訓侍父能色養父  
歿每舉筋輒泣然泣下撫弟姪無間

獲嘉縣志

馮世昌字國升獲嘉縣人正德辛未進士性孝友父疾額  
大求代兄弟同居財物由從兄出入不問因內艱哀毀成

疾不起

獲嘉縣志

衛輝府志

卷三十三 孝義

三

三百九十五

馮上用獲嘉縣人環縣教諭孝事繼母辭官不仕學使者  
嘉其行報部旌表其門

獲嘉縣志

賀仲木字懷麟獲嘉縣人邑庠增生早失怙事母孝訓諸  
弟皆入泮兄弟析箸探闈得產稍厚輒用母命推易諸弟  
年半百孺慕不衰接鄉里仁恕遠近稱之有以贖金數十  
償所貸者既覺弗怒密呼其人持去曰無使人挾爾也製  
衣匠袖中盜綾家人索出曰是必欲厭而未暇者其人感

愧子行素舉於鄉

獲嘉縣志

郭政三獲嘉縣位社人成化間中州大疫詔勸民間殷實  
戶籍繼濟饑許旌表立石政應詔



其義禮勞之成化己丑奉旨徵文勒石教諭平水段諱

文俗謂之萬權碑 獲嘉縣志

崔樞望獲嘉縣高樓營人與王璉同捐貲修明倫堂事詳

石刻又嘗施賑貧民郡守義之列名義賑亭碑在府南關

外獲嘉縣志

崔鴻烈獲嘉縣人邑庠武生中年無嗣以三十金買晉女

為妾甫十五歲抵家察女有憂色訊之知許配某姓烈即

置別室遣使至晉中招其翁婿至獲自邑令馮令出俸治

粧奩擇吉使結婚烈復備資斧送歸事聞學使者以行優

名 獲嘉縣志

衛輝府志

卷三十三

七

職耕尹獲嘉縣人荒歲出糶濟人萬歷四十一年知縣鄧

旌其門 獲嘉縣志

國朝

劉國玉字崑野新鄉縣人馬廐人事後母以孝聞力學不

倦研求道奧行徑屢試宅購書籍入崑庠食廩餼見邑有

民侷俗陋不知業儒者乃與義民孟大親董開義塾勸

里誦讀貧不能學者給與廩食不復問東修學上嘗率

及門三年不窺戶外惟樂施與人告急即應不計已之

無子四弟以文學著長源傑及門人于芳等皆成進士

春采之志乘孫微君尊以私謚曰德化先生諸生徒相



釀金爲祠奉祀錢山陸所爲之記

新鄉縣志

中紹芳延津縣人守繼武燁耀陽順治乙酉拔貢生天悅  
孝友經營祠墓克承先志居喪三日不粒食蔬糲居外舍  
既葬廬墓三年伏臘祭享盡誠盡哀修葺祖塋不役支庶  
置腴田八十四畝於墳墓之側以爲祭田豐則治豆儉  
則備醴酪合申之老稚嘗有待以舉火者族之見孤婦寡尤  
加撫恤丙寅值歲凶出粟百石以濟飢者施棺殮骨不可  
枚舉聞者羨之

延津縣志

王件立新鄉縣陳堡社人事父母至孝遇荒給散牛種里  
人感其惠聞于督學曹公授冠帶子好修自修科貢聯翩

衛輝府志 卷三十三 孝義

夫

云 新鄉縣志

楊文秀號萊竹新鄉人慷慨好義邑富寇荒發城賑恤躬  
爲率先邑人賴之兩臺上其事賜褒旌焉

新鄉縣志

劉心道號宏陽輝縣北王里人有善名昔岡有濬縣王定  
國夫婦生離劉輸錢贖而合之邑人段哀者失銀三兩劉  
拾之京尋至輒還之無難色又創建呂公堂於邑城之南  
朝夕焚拜其中順治十四年武陟縣生苗之英寓堂內囊  
金五十兩匿于堂積薪中苗適出有人將積薪移去金  
賧票所做苗還顧之愕然天色時劉在旁苗覓金得之  
出意外願將其金分半與劉劉弗受一時所傳其事聞



官皆給匾獎之焉舊府志

王維乾字洞濱輝縣增生性純孝幼失怙事孀母曲盡甘

旨遺弟甫三歲家業漸凋維乾厚弱弟而薄以自子教諸

子最以義方以致家道復興書香繼振舊府志

孫用柔字濟剛輝縣人性至孝甫成童卽荷八口之任父

抱沉痾身親藥餌時當歲歉竈烟累絕及父歿拮据謀喪

事畢復走蘇門事大父母越七月大父復病割股以代藥

且祕不令人知顏色日瘁腰脇飭僕母氏叩之終不言猶

以瘡對探之始得其狀無何大父終不起又自計將葬血

枯腸斷竟以袞毀而死年僅三十有一舊府志

衛輝府志 卷三十三 孝義 无

李廷齡字西軒輝縣增廣生事父母以孝聞其父李時芳

病篤籲天願以身代湯藥罔效割股以獻迄今孝德猶噴

噴人口云舊府志

劉芳譽濬縣人事母至孝母病衣不解帶嘗糞祝天願損

壽延母至誠感神母已屬續旋甦仍活二紀喪葬盡禮隆

冬徒跣數十里股足俱為流血觀者感歎濬縣志

姜廣心濬縣人天性純孝事親能曲盡子道且學問湛深

制行諄謹濬縣志

李太陽封邱縣人貢監生御史嵩陽胞弟父與唐病劇醫

藥罔效太陽祝天割股以進父啖之覺異常味病尋愈里



人共稱其孝郡邑共旌之

封邱縣志

孫丕茂字隆彩封邱縣人庠之完士也孝於親恭於兄義於友睦於宗黨里閭嗜學砥行而淡于進取年甫冠失怙兩兄析父產詔茂自立茂迎母獨贍焉融融洩洩色養者四十年明季姪道宏無辜限縲襪茂贍其家口二十餘竭力營救事得解尤好事于敦氣節族之無依者養之里貧乏者恤之相尚以義不較瑣屑兩舉介賓多士式之

封邱縣志

邊嚴勝封邱縣庠生字威儀善事親以孝聞于鄉兩親歿遺二庶弟俱撫之成立同祖弟得勝流棄他所嚴遍求之

衛輝府志 卷三十三 孝義

三

三百九十六

歸爲之授室成業以承先志蓋其孝友根憮然也至好善

樂施尤其餘節云

封邱縣志

朱孕嵩封邱縣鄉飲介賓也事孀母孝待亡友義周貧乏

恤孤寡不爲奇行而大節無愧鄉人重之

封邱縣志

王韜字繩堂封邱縣人事親孝兄弟友愛仲亡撫其遺孤

婚妻教誨一如已子季又早世哀痛過情遂得疾不起

封邱縣志

縣志

李性朴者封邱縣白塔農民李璞之子也璞父那遜忘難

疽兩目失明久卧床間不能動移璞遠近求醫百方調治

未痊時性朴年甫十歲即日夜侍榻前凡湯粥藥餌性朴



本之起坐展轉性朴勉力扶持之歷十餘年無倦意夫童年盡孝久而不衰其天性有過人者鄉鄰歎美其事合詞

公舉洵當旌表以樹風聲封邱縣志

范雲襲封邱庠生性至孝父病且革襲焚香告天願以已

壽益親十年死者復甦享年一如其禱曾渡河負麥以供

孀母悞墜水隙襄呼曰死不足惜如老母何語竟若有升

之者躍而起人以為誠能格天封邱縣志

徐宗聖封邱縣人幼敦孝行事繼母尤謹學使者聞而獎

之封邱縣志

王鼎恩考城縣人至性純篤三世同居力撫姊妹孀孤保

衛輝府志 卷三十三 孝義

其家業及振鐸安陽修飭學宮單寒被德考城縣志

王如典字鳧鳥考城縣人操持純謹孝親友弟備極恩勤

四弟如通哭母喪明六弟如旦籲天代母人謂一門孝友

考城縣志

趙燦字爾昭考城縣中書舍人專祖母孝叔祖貧燦代謀

其嫁娶考城縣志

竇汝弟考城縣人家貧克盡孝道有兄遺孤尚在懷抱極

力護持其子嘉猷成丙午進士考城縣志

楊繩武考城縣人為人古朴素義輕財凡貧不能養不能

葬者多方周濟舉鄉賓考城縣志



張應芳考城縣人賦性忠直秉心慈良施沃土賑饑民還

僕文施棺槨兩院給田八善可風

考城縣志

陶思孔考城縣人專繼母孝母病旬日忘食任陝西甘州

右衛經歷著賢能致仕歸里公舉賓筵

考城縣志

王承儉字制臺考城縣人忠厚端潔事繼母並養其前子

買宅得藏金仍還故主五世一堂壽百有二歲舉鄉飲

考城

縣志

王世傳字澤夫考城縣人年八十餘事百二歲父視膳問

寢晝夜不倦

考城

縣志

衛輝府志

卷三十三 孝義

三

四百〇二

王世泰字通夫考城縣增廣生浙人李孟寢無歸世泰為

殮葬又助金贖趙氏女舉鄉飲一次壽八十四

考城縣志

王明傑字司南考城縣增廣生天性正直好施予出田十

頃養邑故令程公夢簡施地葬典史王公清殯主簿毛公

族兄育民無依收養半世三舉鄉賓壽八十一

考城縣志

王允傑字溟南考城縣增廣生幼喪母竭力事父事繼母

克敬克順年八旬匍匐泣墓至情動人至于捐貲濟貧施

棺救急善端不勝悉舉鄉賓三次

考城縣志

趙景宋考城縣生員天性淳醞體父志施襖五百件與弟

蕭篤愛同居五十載無間言

考城縣志



張朴考城縣人業儒術精岐黃捐貲理骨歸業辦貧三舉

賓筵考城縣志

楊道長考城縣生員銓之子忠厚和不事宦孝事繼母尤

謹兄弟友恭妻堂弟李某繆居貧無所倚挾女就養悉為

之婚毫無吝意考城縣志

王考城縣志貢天性純篤事親能孝縣志母史氏相

繼病故省結廬于墓蓆薪枕塊不飲酒茹藥費土成墳晨

昏舉哀縣志有靈鵲繞戶異犬卧側人皆以為孝感廬墓三

年復獨宿三年邑令河廳俱有旌獎閭邑立碑曰孝子里

考城縣志 衛輝府志 卷三十三 孝義

李之本考城縣人八歲喪父事母張氏最孝娶王氏母病

思肉食夫婦割股啖之遂愈考城縣志

馮鳳騰考城縣生員流寇失城避亂河朔有祖母及父柩

在堂烽火震驚人莫敢歸騰年十八乘夜渡河潛入城內

負柩出城而葬卒免兵焚人皆以孝子曰之考城縣志

趙士仁考城縣人天性孝友個備不羈明崇禎間任江西

進賢縣主簿吏治明達上官深器重之既告養歸里南昌

知府沈匾曰孝切陳情至其捐金修城捐粟賑荒糾眾興

寇類多義舉兩舉考城縣志

趙士俊考城縣人施谷五十石濟荒縣志



士退寇修孔廟設義田贈姑撫弟時驛遞協濟睢州力耕  
得免閭學舉鄉飲考城縣志

焦承芳考城縣人性耿介尤樂義舉崇禎八年流寇擄蕭  
縣貢生郝崇報女遺考芳詢其來歷納之旌善亭中日食  
之購信其家其兄感之酬以金芳辭仍贈路費考城縣志

馮鳳起考城縣人府庠首貢賦性溫良好行施濟親族死  
不能具棺者慨施金為殯殮資鄉里義之考城縣志

楊道貞考城縣生員早失怙恃叔父收養同居其事叔一  
如事父且好義樂施族黨多為周救人皆以孝義稱之考城

縣志 衛輝府志 卷三十三 孝義 善 三百八九

辛印光考城縣人遇事慷慨救族黨之急濟親戚之困邑  
人稱之考城縣志

馮鳳禎考城縣生員有友李天成貧而無子禎贍養二十  
餘年及卒葬以棺槨時值隆冬大雪途遇夫婦凍餒幾死  
收養給以衣食仍厚資使還鄰人王宏道為人忤逆百方  
化為孝子此濟人之危感人以德者也考城縣志

審廷棟考城縣人府學廩膳生員性純篤孝友季叔無歸  
置田產以養之妹家貧嘗為買田宅安其身人皆德之考城

縣志 趙翥考城縣生員天性仁厚克盡孝道與兄同居數十年



無間言誼敦本宗置田以贍堂叔居鄉有令名焉

考城縣志

李淑身考城縣生員于順治六年強寇王四破城邑侯劉併眷屬被擄淑身逃至河顛以身代賊感其義遂釋還城

考城縣志

張固本考城縣人輕財好義邑蕭氏負債莫償固本憐其貧遂焚券族人孤者將鬻產固本濟之產得全屢施棺

木遠近德之

考城縣志

常梅考城縣人素好善順治癸巳夏霖雨六十餘日西北兩關水汨其路行者艱阻梅竭力修補募化不足復鬻已

業以竣其工河廳旌以修道高風

考城縣志

衛輝府志

卷三十三

孝義

三

二百九四

史可久考城縣人奮修學宮募葺城隍廟康熙二十四年秋霖雨月餘西門橋路俱陷竭力募化補造邑令匾旌之

考城縣志

孫有良考城縣人為人忠厚隻身負土修路數條

考城縣志

周安國延津縣人家貧父病不能延醫割股肉和藥以進其父病漸愈縣令匾曰純黨稱孝

延津縣志

李加祿延津縣人居民李金之義男也時金病甚危加祿

割股煎湯以進金病頓愈鄉約公舉旌獎

延津縣志

楊中振新鄉縣人字振公賦性溫厚為名諸生母病旬嘗

湯藥母歿弟中掄僅彌月屬妻郭氏保抱提携以事



屢蹶場屋授創人太學試北闈又不捷鬱鬱歸時父爲  
神門令省子署病遂篤拊心自痛曰振不能分父憂而又  
增父憂耶遂卒中掬受室以長子俊爲其後俊中戊午舉

新鄉人  
縣志

郭培宏新鄉縣人字度若際熙子出嗣叔父佐熙母素善  
病宏雖幼而篤孝由于天性事母必手奉湯藥躬進飲食  
依依不離左右母喜曰他人親生子恐未至此也病愈命  
就外傅宏奮志讀書弱冠有名庠序母卒哀毀動人喪葬  
悉依古禮宏素居叔補士標宅內標且卒命子晉熙爲宏  
置宅及宅成宏竊喜曰此地與本生父居隔一垣出入往

衛輝府志

卷三十三

美

四百一四

來問視無忝可展孝思未幾生父卒宏以降服子與諸兄  
弟均任喪葬費葬畢旋里哀號泣血途中一痛仆地幾至  
殞命終以憂傷至死

新鄉  
縣志

郭培埔字勤若新鄉縣廩生遇熙幼子性仁厚温和尤篤  
于孝生母白氏歿廬墓三年晨夕哭奠終始如一日塋外  
舊有先祠忽鄰舍遺火延及祠內埔直入抱木主衝火而  
出倉卒遺生母像復從烈燄中檢得之既出具衣冠向火  
再拜火隨滅生平嚴取與以廉介自持嘗有藥賈張姓宿  
其家遺百金于席下埔召還之其人大感其義有旨表其  
門乾隆元年舉孝廉方正授許州訓導

新鄉  
縣志



孔樂性新鄉縣人性孝友幼嗣族伯建周建周遊學當子  
口客死樂性聞訃號泣不欲生徒跣千餘里負骸骨歸葬

縣令趙開元旌其門

新鄉縣志

張應鳳新鄉縣人生平敦睦宗黨無間言兄應龍年老無

嗣應鳳乃與已產為置妾隨舉一子

新鄉縣志

于庭柱新鄉縣人性恬淡少營求事親得其歡心乾隆九

年邑令以孝行可風旌之

新鄉縣志

賈宗孔新鄉縣人性至孝母病瀕危宗孔割股和湯以進

食之汗出耳目一清病遂愈

新鄉縣志

郭治化字熙侯新鄉縣人篤學教授從孫徵君為性理之

術輝府志

卷三十三

孝義

三

三百九九

學嘗風雪中遇盲翁負小兒詢知兒驚富室慨然代贖養

其妻子四人及春乃去共城蔡節婦墓碑為耕者所侵仆

為封墓立碑人咸頌義焉

新鄉縣志

常克敵字久安新鄉縣庠生處約而好施居邑北六臺山

地饒穰不可耕鄉人艱食克敵分所有以濟之不計其償

人呼為老佛乙卯邑置普濟堂捐白金以期制府區其居

曰惠及枌榆年七十無疾卒

新鄉縣志

郭士偉字子玉新鄉縣庠生素輕財重義好急人之難向

人某以賦累偉即代為輸納終身不以為言其人亦弗償

也早卒時人惜之

新鄉縣志



培乾字健若遇熙之子新鄉縣人性孝友好持大義諸  
兄弟析居已久偶乏卽領囊以濟困乏嗣買陵常氏爲  
妾及至詢知有本夫乃捐身償並給路費遣人護送完聚  
之培乾後生三子人以爲善報邑庠王三德母本趙氏女  
幼失父從母改適李氏旣笄而嫁生三德及卒從趙姓而  
李氏爭之成訟邑令陳公斷以禮制姓氏宜從父不從母  
李復上控本郡竟依子改母姓律飭罰贖需八十金檄比  
嚴切公論不能平共屬培乾乾以名教所關慨然携諸紳  
士力白之卒正其事三德感佩終身陳令素著循聲解任  
後緣軍需賠項囊空無措培乾倡爲義舉募金贈之

新鄉縣志

衛輝府志

卷三十三 孝義

三

四百三二

孟克謹字惟寅新鄉縣人性孝友幼而失恃事繼母備得  
歡心族弟某貧無所依以已業助之建義塾凡族中及親

鄰之秀者招之來學給以膏火筆札成就者甚衆

新鄉縣志

李夔字歷山新鄉邑庠生性好施與無遠近咸德之其孫  
經世克繩祖武獎進後學貧無束修不與計更爲給紙筆

寒士多所成就于其歿肖像并其祖祠祀焉

新鄉縣志

于大庫字雙池新鄉縣人性至孝父歿喪葬盡禮每言及  
先人淚迸注不能語舉醇飲介賓祀鄉賢子芳成進士任

臨淄縣令

新鄉縣志

郭士標字公望新鄉縣人叅政澆之子澆李兩兄先



楊... 切憂之嘗冀苦心少

女既而父果愈每逢祖父忌辰率子孫素服設祭竟日悲

痛子備康熙癸巳舉人任永城教諭孫士重復登進士任

知縣人皆以為忠厚也

麻實茂字子達汝縣人教貢生敦孝友睦宗族嘗從夏峯

孫徵君講求洛閩之學有歲貢生謝玉書者茂舅祖也老

而無倚延至家衣食之後失明且患癱症事之益謹

李堂字躋公汝縣邑庠生母病旦夕奉事經年不解帶弟

早亾遺孤方四歲出入必携訓教不輟兄卒其子出亡時

堂年已七十竭力經營喪葬值盛暑不以為勞交友不吝

財物遇有急難者輒救濟恐後康熙六十年舉耆老人都

與慶賀蒙

賜衣物等歸里一時號稱德壽之榮

李縉字大紳汝縣廩膳生天性醇厚事親孝父有章任廣

西雒容令縉留家事母及抵粵省父父已卒貧不能歸葬

日夕號泣悲感遠近爭相賻贈卒克扶柩旋里母卒哀毀

骨立嘗為僕娶婦叩之知為前縣丞女立即送還不責聘

金聞者稱德

汝縣志

衛輝府志

卷三十三

孝義

望

三百六五



